



Senin 31 Januari 2022
Kejadin 1:31



Tuhu-tuhu Mehuli



Kenca itepa Dibata kerina isi doni enda, itatapNa kerina ulihna, ikatakenNa tuhu-tuhu mehuli. Kuh kai si enggo ibahan Dibata, ertina sempurna la lit si kurangna, mejile, ras sempabu. Kerina si itepa Dibata erkawiten, lit kerina keperluan sada tinepa man tinepa si deban. Teridah i je saling ketergantungan.

Dibata njadikan si mehuli e gelah dame kerina isi doni, sada ras si debanna ngenanami perbahanen Dibata. Doni e ibahan Dibata ingan tading man kerina mahluk. Bagin-bagin doni enda enggo teridah lit awang-awang jadi rumah man perik-perik si kabang, ingan man matawari bulan ras bintang-bintang bage pe benda-benda langit si teridah entah si la teridah. Lit ka bagin taneh jadi rumah man sinuan-sinuan, rubia-rubia kerangen ras man kerina jelma. Lit ka bagin lawit jadi rumah man kerina binurung ras rumput laut bagepe rubia-rubia si lit I laut. I je pe melala erta kebayaken doni enda. Lawit pe jadi ingan kapal-kapal erlayar, rumah man nelayan si nangkap ikan.

Adi siperdiateken kai sibahan Dibata e, kerinana si mehuli ras guna kiniulin kerina tinepa. La lit si ibahan Dibata e si la mehuli. Adi enggo si nanami si mehuli e, perlu kal si sehken bujur man baNa si mada tinepa. Pengataken bujur e banci isehken arah ende-enden puji-pujin, arah nuriken perbahanen Dibata e man sekelewetta. Banci si tuliskan i bas bentuk puisi, e maka si share arah medsos gelah kerina kalak ngogesa. Si perluna e me kita ikut empertahanken si mehuli e. Di kune lit si idah tinepa e enggo ceda, mis pekena gelah ula reh buena cedana, di kune tinepa e lit si sakit, pedas-pedas sitambari gelah sehat mulihkan di enggo siakap pe mehuli si tambahai ka alu kretivitasta gelah reh melalana si mehuli e teridah ras ternanami kerina tinepa. Perbahanenta si mehuli e nge iarapken Dibata i bas kita nari.

Ku buat baginku mpekena-kenasa



Blank writing area with a wavy top edge.



Blank writing area with a wavy top edge.